

## ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 20 » Տապրի 2019թ.N Վ-10/1

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա.Համբարձումյանի կողմից 29.08.2018 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի 154-րդ հոդվածի 2-րդ մասով նախատեսված վարչական իրավախախտում, մասնավորապես՝ քաղաքացի Արմեն Ռազմիկի Թումանյանի նկատմամբ «Վարչական տույժ նշանակելու մասին» 22.08.2018 թվականի N Վ-32/2 որոշմամբ տուգանք նշանակվելուց հետո քաղաքացի Արմեն Ռազմիկի Թումանյանի կողմից Սայաթ-Նովա պողոտայի հ. 33 շենքի հ. 1/1 և հ. 2 տարածքներ, հ.հ.3,4,5,6,7, և 8 բնակարաններ հասցեներում շինարարական աշխատանքները փաստացի շարունակվել են, մասնավորապես՝ իրականացվել են երկրորդ հարկի ծածկի կառուցման և երրորդ հարկի թվով 6 հենասյուների բետոնացման շինարարական աշխատանքներ, որի վերաբերյալ 29.08.2018 թվականին կազմվել է վարչական իրավախախտման վերաբերյալ թիվ 028662 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և դեկլարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 17.11.2018 թվականի վարչական իրավախախտման գործի վերաբերյալ հ. Վ-38/13 որոշմամբ 29.08.2018 թվականին քաղաքացի Արմեն Ռազմիկի Թումանյանի նկատմամբ կազմված թիվ 028662 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Արմեն Ռազմիկի Թումանյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Արմեն Ռազմիկի Թումանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 05.12.2018 թվականի հ. Վ-45/17, 06.02.2019 թվականի հ. Վ-4/15 որոշումներով քաղաքացի Արմեն Ռազմիկի Թումանյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 12.12.2018 թվականի հ. Վ-46/12, 13.02.2019 թվականի հ. Վ-5/30 որոշումներով կասեցվել է 29.08.2018 թվականին քաղաքացի Արմեն Ռազմիկի Թումանյանի նկատմամբ կազմված հ. 028662 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Արմեն Ռազմիկի Թումանյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Արմեն Ռազմիկի Թումանյանին Երևանի քաղաքապետարանում 20.03.2019 թվականին կայանալիք նիստին ծանուցելու համար:

Համաձայն Երևան քաղաքի Կենտրոն վարչական շրջանի ղեկավարի տեղակալի 19.03.2019 թվականի հ.23/35-19296 գրության՝ «...Արմեն Ռազմիկի Թումանյանը Երևանի քաղաքապետարանում 20.03.2019թ. ժամը 15:30-ին կայանալիք նիստին մասնակցություն



ապահովելու համար ծանուցումը ստացել և ստորագրել է:», հետևաբար վերացվել է վերը նշված վարչական վարույթի կասեցման հիմքերը:

Քաղաքացի Արմեն Ռազմիկի Թումանյանը ծանուցված լինելով 20.03.2019 թվականին կայանալիք գործի քննության տեղի և ժամանակի մասին չներկայացավ, ուստի Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում ուսումնասիրվեցին արձանագրությունը, Վարչական իրավախախտման վերաբերյալ 22.08.2018 թվականի NՎ-32/2 գործը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 30.08.2018 թվականի հ. 19/19197, 24.09.2018 թվականի հ. 19/63860հ, 02.10.2018 թվականի հ. 19/63860հ, 25.11.2018 թվականի հ. 19/63860հ գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության տարածքային երրորդ բաժնի պետ և աշխատակցի կազմած արձանագրությունը, Երևանի քաղաքապետարանի աշխատակազմի հասարակական կարգի պահպանության ծառայության պետի 22.10.2018 թվականի հ. 51/44-63860հ, 21.01.2019 թվականի հ. 51/44-63860հ գրությունները, Երևան քաղաքի Կենտրոն վարչական շրջանի ղեկավարի 15.11.2018 թվականի հ. 23/35-80516 գրությունը, Երևան քաղաքի Կենտրոն վարչական շրջանի ղեկավարի տեղակալի 19.03.2019 թվականի հ. 23/35-19296 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Արմեն Ռազմիկի Թումանյանի նկատմամբ «Վարչական տույժ նշանակելու մասին» 22.08.2018 թվականի N Վ-32/2 որոշմամբ տուգանք նշանակվելուց հետո քաղաքացի Արմեն Ռազմիկի Թումանյանի կողմից Սայաթ-Նովա պողոտայի հ. 33 շենքի հ. 1/1 և հ. 2 տարածքներ, հ.հ.3,4,5,6,7, և 8 բնակարաններ հասցեներում շինարարական աշխատանքները փաստացի շարունակվել են, մասնավորապես՝ իրականացվել են երկրորդ հարկի ծածկի կառուցման և երրորդ հարկի թվով 6 հենասյուների բետոնացման շինարարական աշխատանքներ, որով թույլ է տվել Օրենսգրքի 154-րդ հոդվածի 2-րդ մասով նախատեսված վարչական իրավախախտում:

## 2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենսգրքի 154-րդ հոդվածի 2-րդ մասի համաձայն՝ սույն հոդվածի առաջին մասով նախատեսված արարքներ կատարել շարունակելը սույն հոդվածի առաջին մասով նախատեսված կարգով տուգանք նշանակելուց հետո՝ առաջացնում է տուգանքի նշանակում՝ սահմանված նվազագույն աշխատավարձի երկու հազար հինգ հարյուրապատիկի չափով:

«Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:



Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին, 2-րդ մասերով, 219.1-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)

#### ՈՐՈՇԵՑԻ

1. Քաղաքացի Արմեն Ռազմիկի Թումանյանի նկատմամբ 13.02.2019 թվականի հ. Վ-5/30 որոշմամբ կասեցվեաժ վարչական վարույթը վերսկսել:

2. Քաղաքացի Արմեն Ռազմիկի Թումանյանին Օրենսգրքի 154-րդ հոդվածի 2-րդ մասով ենթարկել վարչական պատասխանատվության՝ նշանակելով վարչական տույժ 2.500.000 (երկու միլիոն հինգ հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015211239 հաշվին:

4. Սույն որոշումը կարող է բողոքարկվել վերադատության (վարչական) և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ  
ԱՇԽԱՏԱԿԱԶՄԻ ՎԱՐՉԱԿԱՆ  
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ  
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ